

Öreigar og kúgaðar þjóðir heims sameinist!

Stéttabaráttan



Ert þú
áskrifandi
að viku-
blaði
verkafólks?

Mál gagn Kommúnistaflokks Íslands/Marxista-Lenínista

25. - 26. tölublað

Þriðjudagur 3. júlí 1979

8. árgangur

Verð kr. 150

Uppsagnir hjá Flugleiðum

Undanfarna daga hafa starfsmenn Flugleiða fengið þær fréttir að yfir vofðu fjöldaupsagnir.

Fjöldi uppsagna mun nú þegar hafa verið tilkynntur og gefið hefur verið í skyn að fleiri kunni að fylgja í kjölfarið í haust. Um er að ræða skrifstofufólk, flugmenn og flugvirkja.

Stjórnendur Flugleiða hafa ekki talið sér skylt að skýra frá því hvaða aðferð þeir beiti til þess að ákveða hverjum eigi að segja upp og hverjir eigi að halda áfram. Þar er ekki farið eftir starfsaldri heldur er ákvörðunin háð dattlungum örfára manna sem eru í æðstu stjórn fyrirtækisins.

Engin rök hafa heldur verið færð fyrir þessum fjöldaupsögnum.

Bent hefur verið á að hluti af starfsemi Flugleiða erlendis gæti allt eins verið framkvæmanlegur heima. Á það til dæmis við um viðhald og eftirlit með vélum félagsins. Mestur hluti þess fer fram erlendis.

Hlutur stéttarfélagsins, VR.

Eðlilega vaknar í þessu sambandi spurningin um afstöðu stéttarfélags starfsfólksins.

Flest það fólk sem nú fær uppsagnir er í Verslunarmannafélagi Reykjavíkur.

Að sögn eins starfsmanna Flugleiða hefur félagið ekki haft mikil afskipti af þessu en ætti þó að reyna að afstýra uppsögnunum. Raunar sagði þessi starfamaður að einu afskipti forráðamanna verslunarmannafélagsins hafi verið þau að krefjast þess af Flugleiðum að erlendum starfsmönnum yrði sagt upp "á undan íslenskum starfsmönnum".

Rannsókn á Flugleiðum.

Eigendur Flugleiða hafa einmitt talið fyrirtækinu það helst til tekna að það veiti miklum fjölda fólks vinnu. Það hafa framhald á síðu 2



Atvinnuleysi - eitt af höfuðeinkennum kreppunnar. (Myndin tekin í Seattle 1971.)

Rökleysa VSÍ

Stjórn VSÍ hefur marg lýst því yfir að undanförunu að nú hafi þjóðarhagur versnað það mikið að undanförunu að ekki sé neinn möguleiki á að hækka kaupverkfólks. Í hverju hefur þjóðarhagurinn versnað? Jú, ekki stendur á svörum. Hækkandi olía og léleg sala á íslenskum afurðum á erlendum mörkuðum. Við skulum athuga þessi atriði aðeins nánar. Vissulega hefur orðið mikil hækkun eldsneytis á þessu ári. Þar með er ekki öll sagan sögð, því í fullyrðingu VSÍ er þetta notað sem rök fyrir því að ekki sé hægt að hækka launin. Með það í huga


verðum við að gera þá lágmarkskröfu til atvinnurekenda að þeir sanni að tjón þeirra sé tilfinnlegt af þessum sökum. En þar sem þeir hafa ekki gert það skulum við líta á hverjir nota eldsneyti og hverjir borga það.

Eldsneyti því sem keypt er inn hérlandis er hægt að skipta í fjóra flokka: Bensín á bíla, bensín á flugvélar, díselolía og svartolía.

Hverjir borga olíuhækkunina?

Það er athyglisvert að fyrst nefndi flokkurinn er sá sem

framhald á síðu 2



Þessi mynd er af nýju frystihúsi Ísbjarnarins sem metið er á tæpan milljarð króna. Það er aðeins hluti af gífurlegum eignum sem Ísbirninn h/f hefur tekist að koma sér upp þrátt fyrir nær stöðuga "sölutregðu" að sögn VSÍ.

Sömu laun
fyrir
sömu vinnu

SJÁ BLAÐAUKA

Barnagæsla
í Kína

SJÁ BLAÐAUKA

Túristahermenn

Benedikt Gröndal hefur í ráðherraíð sinni sýnt mikla fylgispekt við Bandaríki Norður-Ameríku. Nú síðast reyndi hann að feta í fótspor "mannréttindafrömuðarins" Carters. Sá síðar nefndi hefur barist mjög fyrir ferðafrelsi, - utan síns heimalands. Því vildi Benedikt nú gera sitt í þeim efnum og veitti bandarísku hermönnum á Íslandi ferðafrelsi.

Að sögn Benedikts tók hann þessa ákvörðun eftir að hafa lesið grein í "stórblaðinu" Los Angeles Times þar sem fjallað var í heldur "leiðinlegum tón" um ferðahöft kanans. Er grein þessi skrifuð af blaðamanni sem elti Mondale varaforseta USA hingað til lands fyrir skömmu. Leikur jafnvel grunur á að óhróður þessi hafi birst í fleiri stórbloðum þar vestra.

Þetta er reyndar ekki í fyrsta

skipti sem Ísland fær lélega ein-kunn eftir heimsókn varaforseta USA. Þegar Nixon gegndi því embætti líkti hann skerinu við guðs volaðan hundsrass.

Við niðurfellingu núgildandi reglna þurfa hermenn ekki lengur sérstakt leyfi til að vera utan vallarins eftir kl hálf tólf á kvöldin. Röksemdafærsla Benedikts fyrir þessu er sú að þrátt fyrir að hermennirnir séu hermenn í vinnutíma sínum þá sé óréttmætt að leyfa þeim ekki að vera venjulegir ferðamenn í frítíma sínum. Sem sagt, setuliði frá 9-5 og túristi þess á milli.

Svo mikið lá Benedikt á að afnema þessar reglur að hann gat hvorki borið breytinguna undir samráðherra sína né utanríkis-málanefnd. Er þó ákvæði um það í stjórnarsáttmálanum að

framhald á síðu 7



Benedikt Gröndal reynir mikið til að gera herasetuna að eðlilegum þætti í íslensku þjóðlífi. Í einfaldni sinni greip hann til þess ráðs að reyna að gera hermennina að túristum.



Flóttafólk
frá
Vietnam

SJÁ BAKSÍÐU

Útpensla
íslenskra
Aðal-
verktaka

SJÁ BAKSÍÐU

LEIÐARI

Yfirvinnubannið

Farmenn ákváðu sem kunnugt er að hlíta þræla-
lögum ríkisstjórnarinnar en neita jafnframt að vinna
yfirvinnu á Faxaflóasvæðinu og í heimahöfnum. Far-
menn áskildu sér einnig allan rétt til áframhaldandi
aðgerða þegar gildistími laganna er úti eða í árslok.

Eigendur farskipa og aðrir talsmenn atvinnurek-
enda hafa mótmælt þessu sem lögleysu og kært til
Félagsdóms.

Það hlýtur að koma fólki spánskt fyrir sjónir þegar
því er haldið fram að það sé ólöglegt að neita að
vinna yfirvinnu.

Ef þetta væri rétt þá gæti atvinnurekandi haldið
fólki á vinnustað sólarhringum saman og neitað því
um leyfi til að fara heim. Þetta er það sem kallað
hefur verið þrælahald.

Það sér hvert barn, nema náttúrulega atvinnurek-
endur, að þetta er vitleysa sem fær ekki staðist.

Það að neita að vinna yfirvinnu er fyllilega lögleg
aðgerð. Það er hverjum og einum sjálfsvald sett
hvort hann vinnur yfirvinnu eða ekki. Hin mikla
yfirvinna íslenskra verkamanna er þó ekki til komin
af því að þeir vilji vinna óhöflega langan vinnudag.

Þeir eru þvert á móti neyddir til þess af því dag-
vinnukaup nægir ekki til lífsframfærslu.

Fyrir ári stóð yfir langt yfirvinnubann og ekki var
það kært.

Nú er hins vegar annað hljóð í strokki atvinnurek-
enda.

Ástæðan er einfaldlega sú að nú er um að ræða
einn hóp launþega gagnstætt því sem var í fyrra.
Auk þess er þetta sá hópur sem skeleggst hefur
barist gegn kaupránsferð ríkisstjórnarinnar og
atvinnurekenda. Þess vegna á að brjóta baráttu far-
manna endanlega á bak aftur áður en hún verður
öðrum launþegahópum til fyrirmyndar.

Og atvinnurekendur líta örugglega hyru auga til
stuðnings þeirra verkalyðsforingja sem hafa á
ösvífnasta hátt ráðist gegn baráttu farmanna. Það
eru verkalyðsforingjar sem framlengdu samninga
sinna umbjóðenda í heilt ár. Það eru verkalyðs-
foringjar sem réðust gegn því að samningar væru
settir í gildi með paklyftingunni. Það eru verkalyðs
foringjar sem hafa barist við hlið ráðherranna og
atvinnurekenda gegn sérhverri kauphækkunarkröfu.
Allt og sumt sem þeir hafa gert er að fá 3% kaup-
hækkun vegna framlengingar samninga. Þetta eru
verkalyðsforingjar sem hafa misst niður um sig
brækurnar og standa strípaðir með atvinnurekendum
og heimta kauprán.

Barátta farmanna er ekki aðeins gegn atvinnurek-
endum fyrir sjálfsögðum kröfum. Hún beinist líka
gegn ríkisstjórninni því það er hárrétt hjá atvinnu-
rekendum þegar þeir segjast vera að starfa sam-
kvæmt stefnu ráðherranna. Barátta farmanna bein-
ist líka gegn berrössuðu verkalyðsforingjunum.

Það er skylda sérhvers launþega að styðja af alefli
við bak farmanna í deilu þeirra.

Launþegar, hvort sem þeir hafa há laun eða lág,
hafa nákvæmlega sömu hagasmuni, þ.e. að fá hærri
verð fyrir vinnuafli sitt. Og þeir eru ekki að bílast
um sama bita sömu kókunnar heldur eru þeir sem
heild að krefjast aukinnar hlutdeildar í gróða atvinnu
rekenda, því vissulega er það uppspuni að meiri-
hluti fyrirtækja sé rekinn með tapi og vissulega er
það réttlátt að launþegar njóti hagnaðarins af fram-
leiðslunni því þeir eru framleiðendurnir.

Rökleysa VSÍ

framhald af forsíðu

mest hefur hækkað í krónum. Á bílabensín eru hæstu opin-
beru gjöldin af öllum flokkunum. Þegar haft er einnig í huga að
vinnandi fólk er lang stærsti hluti þjóðarinnar og atvinnurek-
endur aðeins örfá prósent, þá sjáum við að hækkan bílabensíns
borgar aðallega hið vinnandi fólk.

En hvað með vísitöluna, bætir hún ekki verkafólki upp hækkan-
ina? Nei, ekki er það nú alveg. Í fyrsta lagi vegna þess að þegar
þær kannanir voru gerðar árið 1966 sem núverandi vísit-
ala er miðuð við, var bifreiða-
eign almennings mun minni en
nú þrettán árum síðar. Því framkallar hækkan á bílabensíni
ekki samsvarandi hækkan kaups. Í öðru lagi koma vísitölubætur
á laun oft 3-4 mánuðum á eftir þeim verðhækkunum sem þær
eiga að bæta.

Annar flokkur eldsneytis sem talinn var hér að framan er
flugvélabensín. Þá tegund bensín nota flugfélögin enda er enginn
tollur á því og þess vegna hækka-
ar það mun minna en bílabensín. Flugvélabensín verður því hlut-
fallslega sífellt ódýrara en bíla-
bensín. Til að mæta því tjóni sem flugfélögin verða samt
sem áður fyrir hækka fargjöld og flutningsgjöld sem vinnandi
fólk borgar auðvitað. Það mætti benda á að ekki stendur til að
lækka fargjöld neitt þó að 200

manns hafi verið sagt upp og hinum sé ætala að halda uppi
sömu afköstum.

Hvað varðar díselolíuna þá er hún notuð bæði af almenningi og
atvinnutækjum og þó mest þeim síðartöldu. Enda var felldur nið-
ur söluskattur á dísel og svartolíu til að mæta erlendum hæk-
kunum. Ekki eru þó hér með öll kurl komin til grafar. Á fiskisk-
skipum er olíukostnaðurinn dreginn frá aflaverðmæti áður en til
skipta kemur þannig að sjómennirnir borga olíukostnaðinn líka
með skertum aflahlut. Hvað varðar flutningaskipin þá hefur
hingað til ekki staðið á að leyfa fargjaldahækkanir sem vinnandi
fólk borgar jú alltaf að lokum því flutningskostnaður er inni í
vöruverði.

Hvað svartolíuna varðar þá hefur innkaups verð á henni verið
ærið torkennilegt og kemur það gleggst í ljós þegar á að kaupa
hana annarsstaðar að en frá Rússum. Til að fá samsvarandi
olíu frá Noregi þarf að blanda hana með díselolíu og verður
hún þá allt að því jafn dýr og díselolía. Það skyldi þó ekki
vera að bensín og díselolía séu á þetta háu verði meðal annars
vegna niðurgreiðslna á svartolíu. Svartolía er nefnilega eingöngu
notuð af fyrirtækjum og má þar nefna Sementsverksmiðju ríkis-
ins, loðnubræðslur, hvalskipin og nú í vaxandi mæli á togara og
fraktskip.



Útgerðarmenn barma sér sáran yfir hækkuðu olíuverði. Þótt olíuverðið sé m.a. greitt með skertum aflahlut sjómanna telur VSÍ að launafólk þurfi enn að axla þyngri byrðar til "bjargar þjóðarþúinu".



VSÍ er skammstöfun fyrir vinnu-
veitendasamband Íslands. At-
vinnurekendur veita þó enga vinnu
af náð sinni heldur hirða aðeins
arðinn af vinnu annarra.

En vegna niðurfellingar á sölu-
skatti tapar ríkið af fé sem það
bætir sér upp með annari skatt-
heimtu. Skyldu atvinnurekendur
standa undir því með hærri skött-
um? Líttum á.

Fyrir það fyrsta eru óbeinir
skattar 79% af skatttekjum ríkis-
ins og þá greiðir hinn almenni
neytandi með litlum undantekning-
um. Hvað varðar beina skatta
fer hlutur atvinnurekenda minnk-
andi ár frá ári. Ekki tapar ríkið
heldur tilfínanlega á eldsneytis-
hækkuninni því hún hefur í för
með sér aukna skattheimtu, sér-
staklega af bílabensíni.

Enn er ótalinn aðili sem flýtur
ofan á öllu saman en ekki hefur
komið til tals að skerða hlut hans.
Það eru olíufélögin sem fá ákveðin
prósentu af sölu og þess vegna
því meira sem olíuverðið er
hærra.

Nú þar fór sú röksemd VSÍ að
atvinnurekendur tapi svo mikið á
olíuverðshækkuninni að þeir geti
ekki hækkað laun verkafólks.

Tap í USA?

En hvað þá með lélega sölu
íslenskra afurða á erlendum með
mörkuðum?

Stærsti hluti af útflutningi land-
manna eru sjáfarafurðir. Mark
aður fyrir þær er stærstur í
USA. Í því sambandi er athyglis-
vert að sjá afkomu Icelandic
Seafood dótturfyrirtækis SÍS í
Bandaríkjunum. Á fyrstu fimm
mánuðum þessa árs jók fyrir-
tækið sölu sína um 34% ef talið
er í dollurum. Ekki sínir þetta
mikið tap. Ofan á þetta bætist
að hið stöðuga sig krónunnar
gagnvart dollar gerir það að
verkum að SÍS græðir stórfé af
þeim sökum, því það líður tími
frá því SÍS kaupir fiskinn í skip-
um hér og þar til hann er seldur
í USA.

Hægt væri að halda áfram að
talja upp þær auknu tekjur sem
íslenska auðvaldið hefur erlendi
frá en þetta ætti að nægja til að
sína fram á haldleysi raka VSÍ.

Sumarfrí
Stéttabaráttunnar

Enn einu sinni reynist nauð-
synlegt að Stéttabaráttan taki
sumarfrí í einn mánuð eins og
gert hefur verið frá því viku-
blaðið hóf göngu sína.

Sem fyrr verður júlímánuður
fyrir valinu og er þetta því síð-
asta tölublað fyrir frí.

Ástæðan fyrir þessu er aðal-
lega sú að blaðið er að öllu leyti
unnið í sjálfböðavinnu og meðan
ekki eru ráðnir starfsmenn við
blaðið er þetta nauðsynlegt.

Næsta blað kemur út þriðju-
daginn 7. ágúst



Samkvæmt vestur-þýskum lögum átti refsing fyrir stríðsglæpi að
fyrnast eftir 31. desember í ár. Eftir harðvítug mótmæli hvaðanæva
að úr heiminum samþykkti vestur-þýska þingið fyrir stuttu að fram-
lengja þetta tímabil enn um sinn. Verður því áfram hægt að lög-
sækja þá stríðsglæpamenn frá tíma nasismans sem til næst. Mynd
þessi er liður í baráttunni fyrir því að stríðsglæpamenn fái ekki að
leika lausum hala.

framhald af forsíðu
FLUGLEIÐIR

þeir meðal annars notað sem
röksemd gegn því að rekstur
fyrirtækisins verði rannsakað-
ur.

Samdráttur Flugleiða mælir
einmitt með því að þessi rann-
sókn verði gerð. Hún ætti að
beinast að því að kanna hvort
tap Flugleiða sé í raun eins
mikið og eigendur þess láta í
veðri vaka. Það er ótækt að
félagið noti gróðann til að
standa undir áhættusömu sam-
keppnisbraski við erlend fyrir-
tæki. Þar með er verið að
tefla í tvísýnu flugsamgöngum
við Ísland og atvinnuöryggi
starfsfólksins.

Það vekur athygli að á sama
tíma og samdráttur er í skrif-
stofu- og flugmannaliði þá er
lagt í að stækka Hótel Esju.
Hótelíð er í eigu Flugleiða og
tap hefur verið sagt mikið á
rekstri þess.

Það er því fyllilega tímabært
að heima rannsókn á fjárreið-
um og starfsemi Flugleiða.

Stéttabaráttan

BLAÐAUKI

19. júní

19. Júní er kvenréttindadagur Íslands. Þann dag árið 1915 fékk ný stjórnarskrá staðfestingu. Í henni voru ákvæði um að konur og vinnuhjú fengju kosningarétt til alþingis, miðað við 40 ára aldur. Til minningar um þennan merka áfanga var dagurinn gerður að kvenréttindadegi Íslands.

Þrátt fyrir stjórnarskrána var kosningarétturinn þó takmarkaður. Fyrir utan hið háa aldurstakmark sem fært var niður í 25 ár 1920, gildi það ákvæði að þeir sem höfðu þegið af sveit höfðu hvorki kosningarétt né kjörgengi. Í þeim hópi voru flestar ekkjur sem á þessum tíma voru mjög margar og einstæðar mæður. Það var ekki fyrr en 1934 sem þetta ákvæði var felld úr kosningalögunum.

Baráttan fyrir kosningarétti var ekki aðeins baráttan fyrir jafnrétti, var einnig um að ræða baráttu fyrir pólitísku valdi. Kosningaréttur hafði verið einkaréttur efnaðra karlmannna og hinir kúguðu hópar, konur og alþýðufólk láðu harða baráttu til að öðlast hlutdeild í þessum rétti. Miklar vonir voru bundnar við það að með atkvæði sínu gæti alþýðan tekið sinn fulla þátt í stjórnun

landsins.

En hver varð svo raunin á? Konur fengu kosningarétt, helmingur þjóðarinnar fékk kjörgengi. En fóru konur á þing? Jú að vísu, en hvaða konur voru það fulltrúar meirihlutans, alþýðukonur? Nei það voru og eru örfaðar menntakonur úr yfirstéttum þjóðfélagsins, sem boðnar eru fram fyrir okkar hönd. Og þær hafa ekki og munu ekki reka okkar erindi þar. Þetta er ekki einskorðað við konur, alþýðufólk á enga fulltrúa á þingi. Enda dygði það eitt skammt. Alþingi getur í mesta lagi, speglað þau átök sem eiga sér stað í þjóðfélaginu. Ef verkafólk heyr ekki sína baráttu sjálft, mun enginn gera það í þess stað. Þingmenn sem eru slitnir úr tengslum við þá sem þeir þykjast fulltrúar fyrir eru til einkis nýtir.

Á þingi eru engar baráttukonur fyrir kvenfrelsi, þar er heldur ekkert baráttufúst verkafólk. Enn er þar allt fullt af fulltrúum minnihlutans atvinnurekenda og fíhalds af ýmsum gerðum.

Þrátt fyrir kosningaréttinn Hvað kemur til? Er það kosningarétturinn sem er einskis virði? Eða höfum við aldrei beitt honum rétt?



Stór hluti þeirra íslensku kvenna sem vinna úti, vinna við erfið og óhreinleg störf. Þótt þær skapi mikil verðmæti með vinnu sinni er hún illa launuð og þeim jafnframt gert erfitt fyrir með að komast frá heimilum sínum og börnum.

UM JAFNRÉTTISMÁL

Ljóðið "Öður til mánans" birtist í Þjóðviljanum fyrir nokkrum árum. Nokkru síðar birtist þar "Öður til sólarinnar" og síðast "Öður til alheimsins". Að sögn Vilborgar er þetta í fyrsta sinn sem atómskáld kveðast á opinberlega, að því hún best veit.


Því miður tókst okkur ekki að ná sambandi við Gylfa Baldursson, en við vonum að hann hafi ekki á móti því að við birtum ljóð hans.

Öður til mánans

Þegar ég er búin að vaska upp
þegar ég er búin að fara út með ruslið
þegar ég er búin að skúra eldhúsgólf
þegar ég er búin að bóna gangana
þegar ég er búin að ryksuga
þegar ég er búin að þurrka af
þegar ég er búin að þvo
þegar ég er búin

ætla ég út á svalir
og steyta skrubbin
framan í mánann
þangað hefur engin kona
verið send með
KARKLÚTINN
ekki enn.

Vilborg Dagbjartsdóttir.



Öður til sólarinnar

Þegar ég er búin að sofa út
þegar ég er búin að hanga yfir hálfellefusopnum
þegar ég er búin að liggja í símanum
þegar ég er búin að mála mig
þegar ég er búin að skreppa í bæinn
þegar ég er búin að kaupa mér nýjan kjól
þegar ég er búin

ætla ég út á svalir (ef ekki er rigning)
og steyta rúllurnar í hárinu
framan í karlana í járnabindingunum
í kuldanum og nepjunni
þangað hefur engin kona
verið send
ekki enn.

Tileinkað Vilborgu Dagbjartsdóttur með ástarkveðju
Gylfi Baldursson.



Öður til alheimsins

Þegar ég er hætt að sofa,
til að gleyma hvað líf mitt er tilgangslaust,
þegar ég er hætt að sötra kaffi
til að drekkja löngunum mínum,
þegar ég er hætt að hanga í símanum
til að skvaldra um fánýta hluti,
sem mér hefur verið innrætt að líf mitt snúist um,
þegar ég er hætt að mála mig
af því að útlitið er ekki lengur eini eiginleiki minn sem skiptir máli,
þegar ég er hætt að skreppa í bæinn
af því að ég þoli ekki lengur við heima,
þegar ég er hætt að kaupa mér nýja kjóla
til þess að sýna hvað maðurinn minn er í fínni stöðu,
þegar ég er hætt
ætla ég út á svalir
þó að það sé rigning eða stórhrið
og breiða út faðminn móti körlunum í járnbindingunum
móti mánanum
þangað sem konan mun óhjákvæmilega leggja leið sína.

Tileinkað Vilborgu Dagbjartsdóttur og Gylfa Baldurssyni
með ástarkveðjum

Steinunn Eyjólfsdóttir.

Hér á eftir fara tvö viðtöl af nokkrum sem Beijing Review tók við kínverskar konur úr hinum ýmsu starfstéttum. Viðtölin voru tekin í tilefni af 8. mars s.l. sem er alþjóðlegur baráttudagur verkakvenna, auk þess sem 30 ár eru liðin frá byltingunni í Kína.

Síðan þá hefur baráttan fyrir raunverulegu jafnrétti kynjanna og bættum kjörum barna leitt til mikilla framfara.

Fyrir byltingu var kúgun konunnar

í Kína gifurleg. Mjög algengt var að fætur heirra væru revfaðir svo hær yrðu bæklaðar og gætu ekki hlaupist að heiman. Á ungaöldri var hjónaband þeirra skipulagt og þær voru síðan algerlega háðar vilja eigin manns síns og síðan sona eða bræðra hans. Algengt var einnig að nýfæddum stúluk börnum væri dregkt.

Á þeim 30 árum sem liðin eru frá byltingunni hafa kjör kvenna farið stöðugt batnandi. Jafnrétti kynjanna hefur verið staðfest í lögum þótt

vissulega vanti enn upp á að því sé að fullu náð í reynd. Þáttur kvenna á öllum sviðum þjóðlífsins og á heimilunum hefur farið vaxandi. Samt er enn nauðsyn sérstakrar kvennahreyfingar. Fordómar gagnvart konum eyðast ekki á þrjátíu árum og enn eru þær skoðanir uppi að karlar séu hæfari en konur og að staður konunnar sé á heimilunum. Kvennahreyfingin hefur það verkefni að eyða þessum fordómum og hvetja konur til frekari þátttöku í þjóðlífinu. Án



Ransókn á framleiðslu í vélaverksmiðju í Beijing

Barnagæsla í Kína

Barnagæsla í Kína.

Li Min, vararitari flokksráðsins í Zhapu -hverfi í Shanghai, sagði:

"Ef konan á að teljast algjörlega frjáls og sjálfstæð, þá verður hún líka að vera frjáls frá barnapössun til að geta stundað sína vinnu og rannsóknir.

60000 manns búa í þessu hverfi. Þegar miðstjórn kommúnistaflokksins boðaði nýja Gönguna löngu til aukinnar sósíalískrar iðn- og tæknivæðingar, þá tóku allir íbúar hverfisins til starfa af miklum áhuga.

Þetta varð til þess að þau okkar sem í flokksráði hverfisins sátu fórum að leita að leiðum til aðstoðar íbúnum. Við höfum rannsóknir og komust að því að



Li Min

frí frá vinnu til að gæta barnanna yfir nóttina. Svo voru það aðrir foreldrar sem vantaði gæslu fyrir börnin sín á kvöldin til að getað lesið og stundað rannsóknir. Til að koma á mótis við þarfir foreldranna, þá tóku gæsluheimilin upp þá þjónustu að taka á móti börnum til gæslu, allan sólarhringinn og gátu foreldrar nú komið með börn sín til gæslu hvenær sem þeir þurftu þess. með.

Kínversk börn hefja skólagöngu 6 ára gömul. Í okkar hverfi eru 1100 skólabörn sem eiga útivinnandi foreldra. Þess



Barnaheimili bómullarverksmiðju no. 1 í Beijing

gifurleg þörf var á gæsluplassum fyrir börn. Það kom til dæmis fram að börn á skólaaldri sem áttu útivinnandi foreldra, þurftu að fá máltíðir og aðstoð við heimanám eftir skóla einnig vantaði vöggustofnum meira fjármagn.

Á þessum tíma voru 1674 börn á vöggustofum og barnaheimilum hverfisins, og 211 börn voru samt sem áður á biðlista.

Eftir að við höfðum rætt málið þá komust við að þeirri niðurstöðu að endurskipuleggja þyrfti stofnanirnar, auk þess fórum við fram á aðstoð hraustara heimaeyndandi kvenna. Núna eru börn á aldrinum 56 daga til 6 ára á vöggustofum og barnaheimilum, svo eru líka börn í gæslu eðri ættingja í heima-húsum.

Áður fyrr voru gæslustofnarnar eingöngu opnar á daginn. Þetta fyrirkomulag var mjög óhagstætt fyrir þá foreldra þar sem bæði unnu vaktavinnu. Sumir þeirra urðu að biðja um

vegna var það auðvitað ekki óalgeng sjón að sjá börnin leika sér á götum með húslýklana hangandi í bandi um hálsinn. Það voru líka þarna krakkar úr efri bekkjum sem lítillar námsaðstoðar nutu hjá foreldrum sínum vegna skorts á menntun foreldranna.

Flokksráð hverfisins álfur að uppeldi barnanna sé ekki aðeins í verkahring foreldra og skólanna. Fjöldinn ætti að koma þar til hjálpar líka. Við stofnuðum margar menningarstöðvar þar sem 900 manns s.s. verkafólk á eftirlaunum, kennarar, vísindamenn ofl. voru börnunum til aðstoðar við heimanám.

Þetta fyrirkomulag hefur haft góð áhrif á þeirra nám. Flokksráðið hefur einnig komið á fót 5 matsöslustöðum í hverfinu. Þangað geta börn þeirra útivinnandi foreldra sem ekki komast heim um miðjan daginn, fengið heitar máltíðir, því áður fyrr þurftu börnin að elda sjálf handa sér mat þegar heim kom.

Sömu laun fyrir sömu vinnu

Fu Xiuzhen, félagi á Danggaocu samyrkjubúinu, Pinggu-sýslu í útjaðri Beijing-borgar, sagði:

"Stjórnarskráin okkar segir að konum og körlum ber að borga sömu laun fyrir sömu vinnu

Á meðan þetta er tryggt í borgunum með samræmdu launakerfi, þá hefur þetta ekki ennþá náð öruggri fótfestu á strjálbýlli svæðunum.

Lífskjör smábændanna í gamla þjóðfélaginu grundvöllurist á framleiðslu heimilanna. Það var sama þó konurnar ynnu heimilissstörfin eða strituðu á ökrunum, þær fengu aldrei nein laun fyrir vinnu sína. Karlmenirnir litu á konuna sem persónu er eingöngu ætti að halda sig innan veggja heimilisins ("the person in the house") Nú hefur ástandið breyst. Konur taka virkan þátt í framleiðslunni og vinna sér inn starfspunkta. Samt sem áður á sér stað pólitísk barátta fyrir kröfunni um jafnrétti kynjanna til starfs og launa gegn afturhaldssömum hugmyndum meðal kvenna sem koma úr gamla þjóðfélaginu.

Fjöldi karla og kvenna, hér á samyrkjubúinu er sá sami þ.e. 4500 konur og 4500 karlar.

Á undanförunum árum var mikil eftirspurn eftir konum til að taka þátt í landabúnaðarframleiðslunni, þegar karlarnir þurftu að vinna á fjarlægari stöðum við byggingu á mannvirkjum eða við framleiðslustörf. Aðeins helmingur kvennanna mætti dag og dag. Í staðinn fyrir að mæta þá heimsóttu þær vini og ættingja eða sátu heima við hannyrðir.

Þær sem mættu á akrana unnu með hangandi hendi. Ástæðan fyrir takmörkuðum áhuga þeirra á vinnunni var óánægja með launin. Á meðan karlinn vann sér inn 10 starfspunkta (en það er það hæsta sem hægt er að fá) þá fékk konan ekki nema 8 starfspunkta, þrátt fyrir sömu afköst.

Flokksráð samyrkjubúsins tók þessa mótsögn til umræðu og rannsóknar og kom í ljós að margir leiðandi félagar litu á karlmanninn sem hæfari en konuna. Flokksráðið gerði sjálfs-gagnrýni á þessa afstöðu og hvatti allar framleiðslueiningar til að sjá um að konur fengju sömu laun fyrir sömu vinnu til jafns á við karla. Nokkrir leiðandi félagar framleiðslu-

eininganna voru í upphafi á móti þessari ákvörðun, vegna þess að þeir voru hræddir um þá drægi úr áhuga karlanna. En eftir að hafa samfærst um nauðsyn þessa sjálfsögðu réttinda, þá varð sumum karlfélögum að orði: "Hanninn hlýppur hraðar en hænna".

Það komu fram sterkar mótsagnir með þessari ákvörðun. Sumir yngri karlanna kvörtuðu um það að þeir stæðu í harðri samkeppni við konurnar. Sumir móðguðu konurnar vísvitandi. Sem dæmi má nefna að í eitt skipti þegar konurnar og karlarnir voru að plægja jarðvegin, þá skoruðu karlarnir konurnar í keppni til að sanna og sýna yfirburði sína. Þeir plægðu og mokuðu upp 13 vagnhlöss. Að meðaltali moka þeir upp 6-7 vagnhlöss.

Við vitum það af reynslunni að við verðum að berjast gegn hugmyndum sem niðurlægja konuna til þess að tryggja jafnrétti karla og kvenna til starfs og launa. Konur verða líka að sýna það og sanna að þeim er vel treystandi í framleiðslunni og að þær vinni verkin vel. Sem dæmi má nefna að konur hafa nú nýlega lært að planta hrísgrjónum. Konurnar gróðursetja 90% akranna og hafa unnið það fljótt og vel. Þegar gamall íhaldssamur bóndi sá það, þá sagði hann brosandí: "Þær ættu skilið að fá 15 starfspunkta, ef þær vinna verkin svona."

Konur hafa á síðustu árum lært margskonar flókin og erfið störf sem eingöngu karlar unnu áður. T.d. eru þær farnar vinna við dreifingu sæðis á ökrunum, byggja hús, keyra hestakerrur ofl. Konur voru 70% vinnuafslisins við vor-

og haustplægingarnar. Af heild arafköstum áttu þær yfir 90%.

Fyrir 1974 nam grjónuppskeran 4500 kg. per hekt., en er nú komin upp í 6800 kg. per hekt. Einum karlfélaganum á búinu varð að orði: "Áður fyrr sá enginn né talaði um hlutdeild kvenna í þjóðfélaginu, nú þegar þeirra er minnst í umræðu þá sér fjöldinn að það eru raunverulega konurnar sem halda uppi hálfum himninum".

Skipting starfspunkta á búinu í dag er þannig að 10% kvennanna og 30% karlanna fá 10 starfspunkta (það hæsta sem hægt er að vinna sér inn á dag) 20% kvennanna og 20% karlanna fá næstmestan fjölda 35% kvennanna og 30% karlanna fá minnstan fjölda starfspunkta.

Þróunin á baráttunni fyrir jafnrétti kynjanna til starfs og launa, hefur í raun aukið áhuga karlanna. Þegar karlinn, sem áður fyrr leit á sig sem fyrirvinnu, sá að konan vann sér inn jafnmarga starfspunkta og hann, þá fór hann að taka meiri þátt í heimilissstörfunum. Eftir því sem staða konunnar batnaði á heimilinu, þá batnaði andrúmsloft fjölskyldunnar líka. Þessi breyting hefur haft jákvæð áhrif á skipulag fjölskyldunnar.

Auðvitað örlar ennþá á þeirri skoðun að karlmaðurinn sé hæfari en konan, en ekki eins mikið og áður. Nú skiptir það meira að segja engu máli hvort konan fæðir stúlku eða dreng.

Frá 1970 og allt til síðasta árs hefur dregið úr fólksfjölgun eða úr 2,3% niður í 1,1%.

Þýtt úr Beijing Review no. 10 '79.



Fu Xiuzhen



Konur í Hebei kommúninni við útborgun launa

Fæðingarorlof

Fæðingarorlof kvenna er mjög mismunandi, eða allt frá engu og upp í 3 mánuði á fullum launum. Enn er langt í land með að allar konur njóti þar sömu réttinda og enn síðar að feður fái nokkurt orlof vegna fæðingar barns síns.

Verður þessu máli gerð nokkur skil hér á eftir.

BSRB

Flestar konur sem eru í opinberri þjónustu fá þriggja mánaða fæðingarorlof á fullum launum. Þetta á þó aðeins við um þær konur sem eru félagar í BSRB og hafa unnið a.m.k. 6 mánuði fyrir barnsburð. Þær konur sem eru innan ASÍ njóta hins vegar ekki sömu réttinda, jafnvel þótt þær vinni hjá ríkinu.

ASÍ

Fæðingarorlof verkakvenna er sem svarar 90 vinnudögum á atvinnuleysisbótum, sem eru 80% af 2. taxa Dagsbrúnar. Er það greitt út atvinnuleysis-tryggingasjóði viðkomandi verkalýðsfélags og fer eftir þeim reglum sem þar gilda, að undanskildu því að tekju maka skipta þar engu máli.

Til þess að fá fæðingarorlof þarf að hafa skilað ákveðnum vinnustundafjölda á undan- gengnum mánuðum og skiptir

ekki máli hvar var unnið. Hafi konan hins vegar unnið í a.m.k. eitt ár samfleytt hjá sama atvinnurekanda, greiðir hann henni 2-3 vikur (10-15 vinnudaga) á fullum launum, en þeir dragast aftur á móti frá þeim 90 dögum sem verkalýðsfélagið greiðir.

Hjá Sökn er um það samið að hafi kona unnið í 3 ár eða meir hjá ríki eða sveitarfélagi, þá fær hún 3 mánaða fæðingarorlof á fullum launum.

Atvinnuleysisbætur

Atvinnuleysisbætur eru greiddar alls í 130 vinnudaga. Sé kona atvinnulaus eftir að fæðingarorlofi lýkur fær hún aðeins bætur í 40 vinnudaga. Hafi hún verið atvinnulaus í meira en 40 vinnudaga fyrir barnsburð, styttest fæðingarorlofið sem nemur dagafjöldanum umfram 40. Samanlagt fæðingarorlof og atvinnuleysistímabil má því ekki verða meira en 130 vinnudagar.

Of ung.

Til þess að fá fæðingarorlof eða atvinnuleysisbætur þarf viðkomandi að vera fullgildur félagi í einhverju verkalýðsfélagi. Og til þess að svo megi verða þarf viðkomandi að vera fullra 16 ára.

Stéttabaráttan kannaði hvað

nokkur verkalýðsfélög í Reykjavík myndu gera ef til þerra leiðuðu konur sem hefðu ekki skilað tilskyldum vinnustundafjölda eftir 16 ára aldur er þær eignuðust barn.

Hjá Verkamannafélagi Reykjavíkur fengust þær upplýsingar að aldrei hefði á þetta reynt en þar sem félagið semdi einnig fyrir 14 og 15 ára unglinga, myndi vinnustundafjöldinn gilda hve gömul sem móðirin væri.

Hjá Íðju var upplýst að ef ekki vantaði mikið upp á yrði trúlega reynt að fá sersamþykkt í félaginu.

Hjá Framsókn fengust aftur á móti þau svör að ef móðirin hefði ekki skilað tilskyldum vinnustundafjölda eftir 16 ára aldur fengi hún ekkert fæðingarorlof jafnvel þótt hún hefði unnið alveg frá fermingu.

Veikindi

Það telst ekki til veikinda þótt kona sé óvinnufær fyrst eftir barnsburð. Aftur á móti getur óvinnufærni af völdum meðgöngunnar talist fullgilda veikindi. Þeim veikindum lýkur svo um leið og konan gefur alið barnið. Þær konur sem fá ekki fæðingarorlof, eiga heldur ekki rétt á veikindafríi í svo mikið sem einn dag vegna barnsburðar. Verður þessi máti að teljast í hæsta lagi undarlegur.

Skólafólk.

Þær konur sem eru í skóla



eiga engan rétt á fæðingarorlofi. Hjá þeim einnig gildir það að sængurlega er ekki veikindafrí, heldur skróp. Það telst því til heppni ef konu sem er í námi tekst að ala barn sitt í jóla-, páska-, eða sumarfríi.

En má ekki segja að kona sem er í námi, missi einiskis í tekjum þótt hún fái ekki fæðingar-

orlof? Það er ekki alls kostar rétt. Flest námsfólk nýtur námslána og þau lán byggjast á því að nám hafi verið stundað næstliðinn vetur og að vissum árangri sé skilað. Ef konan missir eitthvað úr námi sínu vegna barnsburðar þá getur það þýtt að hún missi einnig námslán sitt.

6 mánaða fæðingarorlof

Krafa okkar er 6 mánaða fæðingarorlof fyrir allar konur og einnig að hægt sé að skipta fríi þessu á milli móður og föður. Þær konur sem eru húsmæður eða í námi eiga að njóta samþættingar fæðingarstyrks.

Þessi krafa er byggð á nokkrum atriðum.

Flestum konum er það fjárhagsleg nauðsyn að vinna utan heimilisins. Nýr fjölskyldu-meðlimur hefur aukin útgjöld í för með sér og þá má fjölskyldan síst við tekjuskurðingu. Til þess að barnið fái þá umönnun sem það þarfnast er nauðsynlegt að foreldrar þess geti verið með því a.m.k. fyrsta hálfa árið. Samskipti foreldris og barns mótast mikið af þeim tengslum sem myndast strax í upphafi og ef þau fá að verða með eðlilegu móti má eflaust koma í veg fyrir mörg þau fjölskylduvandamál sem upp koma síðar á lífsleiðinni.



Myndir þessar eru úr bókinni Vetrarbörn eftir Dea Trier Mörk

Kvennréttindahreyfing á Íslandi

Í dag eru það aðallega róttækar menntakonur sem standa í baráttu fyrir jafnrétti kynjanna með skipulögðum hætti. Er þar um að ræða Rauðsokkahreyfinguna og 8. mars-hreyfinguna sem reyndar er ný af nálinni. Ekki skal lagður neinn dómur á það hér hvers vegna þessi hópur sé virkastur í baráttunni, heldur reynt að fjalla um stöðu kvennahreyfingarinnar í ljósi þessarrar staðreyndar.

Rauðsokkahreyfingin er tví-mælalaustr áhrifamesta baráttuhreyfingin fyrir jafnrétti kynjanna nú. Hún segir í stefnuskrá sinni að auðvaldsþjóðfélagið byggir á misrétti og kúgun og því sé nauðsynlegt að berjast gegn

því og heyja kvennabaráttuna á grundvelli stéttabaráttu. Þetta tekst henni þó ekki sem skyldi. Hún hefur staðið fyrir mörgum framsæknum aðgerðum og með áróðri sínum eflaust haft mikil áhrif á afstöðu fólks. En tengslin við verkalýðinn skortir mjög. Rsh hefur staðið fyrir láglaunaráðstefnu þar sem sérstaklega var rætt um stöðu verkakvenna. Á þessari ráðstefnu komu fyrst og fremst konur úr verkalýðsförystunni en tengslin við hinn almenna félaga vantaði.

Verkakvennafélagin eru sá hluti kvennahreyfingarinnar sem oft vill gleymast í umræðum um kvennahreyfinguna. Ástandið þar er síst betra en annars staðar

ar í verkalýðshreyfingunni. Ástæður þess eru ýmsar. Konur þurfa yfirleitt að sinna heimilisstörfum að lokinni annari vinnu og því gefst þeim lítil tími til félagsstarfa. Það hefur einnig sýnt sig að þeir sem mest eru kúgaðir og minnsta menntun hafa standa ekki best að vígi til baráttu.

Baráttukonur þyrftu því að snúa sér að verkalýðsfélagunum sjálfum og vinnustöðunum. Sigur vinnst ekki með því að berjast eingöngu fyrir hina kúguðu heldur með því að virkja þá sjálfa til baráttu.



Viðtal við dagmömmu

Einn er sá starfshópur sem nokkuð hefur verið í skugga-
anum í allri þeirri umræðu undanfarið um dagvistunarmál.
Það eru svokallaðar dagmæður. Til frekari upplýsinga
og fróðleiks um starfssvið og kjör dagmæðra, þá lögðum
við nokkrar spurningar fyrir eina dagmömmu hér í bæ,
Þórunni S. Gísladóttir.

Stb.: Svo að við snúum
okkur fyrst að börnunum
sem þú hefur í gæslu, -
hvað eru þau mörg og á
hvaða aldri?

Þórunn: Ég er með 4
krakka í gæslu, frá aldr-
inum 6 mán. til 4ra ára.

Stb.: Hvað er vinnudagur-
inn langur hjá þér?

Þórunn: Samkvæmt regl-
um sem Félagsmálastofn-
un Rvík. hefur gefið út
varðandi daggæslu í heima-
húsum, þá er heilsdags-
gæsla 8 tímar á dag. Börn
in sem ég hef eru mismengi
og fer það eftir aldri
þeirra. Það elsta er allan
daginn, stundum framyfir
og þau yngri eru hluta úr
degi.

Stb.: Hvert er mánaðar-
gjaldið?

Þórunn: Mánaðargjaldið
fyrir barn sem er í heils-
dagsgæslu er 61.929 kr.
Fyrir umframtímann þ.e.
eftir að daggæslutímanum
lýkur, þá greiðist 710 kr.
á tímann.

Stb.: Getur hver sem er
orðið dagamma eða þarf
að uppfylla einhver skil-
yði?

Þórunn: Til þess að geta
tekið börn í gæslu í heima-
húsum, þá þarftu leyfi
borgaryfirvalda, þ.e.
Félagsmálastofnunarinnar
eftir að hafa lagt fram
læknis- og sakavottorð.
Leyfinu er framfylgt með
eftirliti af hálfu Félags-
málastofnunarinnar á
viðkomandi heimili þar
sem daggæslan fer fram.

Stb.: Í hverju eru störf
dagmæðra fölgín?

Þórunn: Dagmamman
þarf að sjá um að börnin
fái morgun- og hádegisverð
og síðdegishressingu.

Hún verður að útvega
bækur, föndur- og leiktæki.
Það er reiknað með að
12 þús. kr. á mán. fari
í þessi kaup, þ.e. 3000 kr.
á hvert barn - þetta dregst
frá kaupinu. Einnig dregst
15 þús. kr. frá kaupinu
sem er ætlað í viðhald á
húsnæði og til kaupa á
hreinslætisvörum.

Þessi upphæð sem er
ætlað að fara í bóka- og
leiktækjakaupa er mjög
lág að mínu áliti. Dagmæð-
ur búa við mismunandi
aðstæður auk þess sem
leikföng endast mismengi
og þá þarf að endurnýja
þau eins og margt annað.

Stb.: Er er ekki eftir-
spurn eftir gæslu hjá dag-
mæðrum mikil?

Þórunn: Jú, í heildina
er hún mikil, en mismun-
andi mikil eftir hverfum.

Vegna mikilla eftirspurna
eftir gæslu í heimahúsum
og vegna fjölgunar dag-
mæðra þá voru samtök
dagmæðra í Reykjavík
stofnuð í maí-mánuði s.l.

Tilgangurinn með þessari
stofnun var sú að auka
innbyrðis tengsl dagmæðra
fyrir utan að standa vörð
um hagsmuni þeirra, þá
hafa þau á stefnuskrá sinni
að eiga samstarf við um-
sjónarfóstrur Félagsmála-
stofnunarinnar. Þetta
myndi svo leiða til bæt-
tra kjara dagmæðra og
betri gæslu fyrir börn.

Ymis félagasamtök
gengust í vor fyrir
undirskriftsöðin til
að krefjast nægra og
betri dagheimila.
Ríkið styrkir dagheim-
ili og auðvitað þyrfti
það einnig að greiða
niður kostnað við dag-
gæslu í heimahúsum.
Það er fljótt að hverfa
kaup láglaunakvenna
ef þær þurfa að greiða
þriðjung þess í gæslu
fyrir eitt barn. Því
ber brýna nauðsyn til
að fjölga dagvistunar-
heimilum



Innskot Stb. Til frekari
upplýsinga fyrir lesendur
Stéttabaráttunnar þá birt-
um við nokkrar kláusur
úr lögum Samtaka dag-
mæðra í Reykjavík.

3.gr.

Allir þeir sem gæta barna á
heimili sínu og hafa til þess til-
skilið leyfi eiga rétt á því að
verða meðlimir samtakanna.
Hafi meðlimur ekki greitt félags-
gjald í þrjú ár samfleytt fellur
hann sjálfkrafa úr samtökunum.

5.gr.

Stjórn samtakanna skal skipuð
fimm mönnum, formanni, ritara
og gjaldkera, auk þess tveim
meðstjórnendum.

Stjórn skal kosin á aðalfundi
og skulu kosningar vera leynileg-
ar. Stjórnin skipti með sér verk-
um. Formaður skal þó kosinn
sérstaklega. Einnig skal kjósa
tvo menn til vara og tvo endur-
skoðendur. Stjórn skal kosin til
eins árs í senn.

Rétt til endurkjörs eiga allir í
stjórn, þó aldrei lengur en til
tveggja ára í einu. Aldrei skulu
víkja úr stjórn fleiri en þrír í
einu og ekki færri en tveir.

9.gr.

Aðalfundur samtakanna skal
haldinn í febrúar ár hvert. Skal
hann boðaður skriflega með viku
fyrirvara.

12.gr.

Umsjónarfóstrur Félagsmála-
stofnunarinnar hafa rétt til þess
að sækja fundi samtakanna með
tillögurétti og málfrelsi.



Bætt dagvistun hefur lengi verið eitt aðal
baráttumál kvenna, enda er forsenda þess

að konur geti unnið fyrir sér eða tekið þátt
í félagsstörfum, að gæsla fáiast fyrir börnin

Ofbeldi gagnvart konum

Of les maður í dagblöðum
um nauðganir. Yfirleitt eru
þetta smákláusur þar sem rétt
aðeins er getið að kona hafi
kært nauðgun og að tilræðis-
maðurinn hafi verið hneptur í
gæsluvarðhald. Nokkrum dög-
um síðar sér maður enn minni
kláusu þar sem við fáum að
vita að fallið hafi verið frá
kærinni og manninum sleppt.
Á hverju ári hefur lögreglan
afskipti af á annað hundrað
nauðgunartilfella. Í langflesta-
um þessara tilfella er fallið
frá kærnu. Þó þetta sé nokkuð

há tala er talið víst að nauðg-
anir séu miklu algengari, þar
sem konur veigri sér við að
kæra.

Hvers vegna kæra konur ekki
nauðganir og hvers vegna falla
þær frá kærnu þegar málið er
komið í hendur lögreglunnar?
Margir þeir sem fjallað hafa
um nauðgunarmál telja þetta
stafa af því að meðferð yfir-
valda á þessum málum sé
niðurlægjandi fyrir konur. Sí-
fellt er reynt að sanna að kon-
an sé í raun samsek með því

að finna "veika" punkta í fram-
burði hennar í þá veru að hún
hafi gefið áráðsmanninum
ástæðu til þess að hafa mök við
hana. Ekki er einungis spurt
um kynni hennar af áráðs-
manninum og aðdraganda verkn
aðarins heldur er hún einnig
spurð um kynlíf sitt almennt,
sérstaklega ef hún er ógift.
Það er ekki óeðlilegt þó konan
treysti sér ekki til að ganga
í gegnum slíka málsmeðferð
þar sem nauðgun er mikið
andlegt áfall.
Er það ekki óeðlileg meðferð

á máli að leitast alltaf við að
gera fórnarlambið meðsekt
í glæpunum? Ef fulls samræmis
gætti í meðferð allra sakamála
þá ætti samkvæmt þessu að
álykta að ef bílnum þínum er
stolið þá getur þú sjálfur þér
um kennt þar sem þú hefur
skilið hann einan eftir á óheppi
legum stað eða keypt þér of
girnilegan bíl, þjófum til freist-
ingar.

Eða t.d. ef svikið væri af
þér fé þá lægi beinast við að

álykta að þú hefðir aldrei átt
að eignast þessa peninga því
alltaf gæti einhver langað til
að svíkja þá út úr þér.

Svo ekki sé nú talað um ef
hægt væri að yfirheyra fórnar-
lamb morgðingja þá yrðu
fyrstu spurningarnar: "Fannst
þér ekki gott að láta drepa
þig?" Var það ekki einmitt
það sem þú vildir?"

Nú gætu sumir sagt að um
nauðganir gegni allt öðru máli.
Hvers vegna? eru ekki nauðg-
anir ofbeldisverk og þar af
leiðandi glæpur?

Ríkisstjórnin og áfengisbólið

Steingrímur Hermannsson hefur tilkynnt nýjar "og frjáls-ari reglur um vínveitingar".

Þetta nýja frelsi felst í því að nú geta Íslendingar drukkið vín á veitingahúsum lengur fram eftir nóttu en áður tíðkaðist. Þessu hefur verið slegið upp af ríkisstjórnarflokkunum og raunar fleirum sem meiri-háttar frelsi.

En bak við þetta "frelsi" sést þó í hinn raunverulega tilgang. Tekjur af áfengissölu hafa um langa tíð verið mjög traustur tekjustofn ríkisins. Raunar allt þar til í fyrra að draga fór úr tekjum af áfengissölu, sum-part vegna gegndarlausra hækka-na á áfengi sem olli því að bruggun í heimahúsum jókst.

Þetta voru ugðvænleg tíðindi fyrir ráðherrana. Þess vegna eru þessar nýju reglur til komnar.

Þetta er með öðrum orðum síðasta úrræði ráðherranna til að fá Íslendinga til að drekka meira áfengi til að ríkissjóður fái meiri tekjur af áfengissölu.

Í vetur hefur staðið yfir áróð-ursherferð fyrir þessu í blöð-um og öðrum fjölmiðlum. Allt hefur verið gert til að telja fólki trú um að hér væri á ferð-inni mannréttindamál.

Það gekk meira að segja svo langt að veitingahúsaeygendur lýstu því yfir að þeir mundu ekki hafa af þessu auknar tekjur.

Þetta átti að telja fólki trú um að þeir ýttu á engan hátt á eftir ákvörðun um þessi mál.

Það á eftir að koma á daginn hvort veitingahúsaeygendur fara eftir þessum nýju reglum. Ef þær þýða aukið tap hljóta veit-ingahúsaeygendur að haga opn-unartíma eins og nú er.

Ráðherrarnir gerðu sér grein fyrir því að þessi ákvörðun mælist illa fyrir meðal sumra manna, til dæmis er bindind is-hreyfingin eðlilega á móti þess-um nýju reglum. Þess vegna tilkynnti háttvirtur dómsmálaráð herra einnig að ákveðið hefði verið að verja auknu fé til áfengisvarnarmála í landinu. Að sögn ráðherrans á gjald fyrir vínveitingaleyfi að hækka og þær tekjur eiga að renna til bind-indishreyfingarinnar. Þetta verða samkvæmt áætlun 10 milljónir króna.

Það er ekki um að villast að þetta er höfðinglegt af ríkis-stjórninni. Fyrir heilar tíu milljónir á ári er örugglega hægt að bæta fyrir allan þann skaða sem aukin áfengisneysla hefur í för með sér. Eða hvað?

Nýjar álögur

Olíuhækkanir hafa orðið ríkis-stjórninni tilefni til að leggja á nýjar álögur. Í þetta skipti á að láta launþega greiða niður olíu á fiskiskip.

Ráðherrarnir velta nú fyrir sér tveimur leiðum sem báðar munu hækka vöruverð. Þótt þeir séu ekki sammála um hvora leiðina skuli fara eru þeir þó á einu máli um að halda þessum álögum fyrir utan vísitölu.

Leiðirnar sem ráðherrarnir vilja fara eru annað hvort að leggja 10% gjald áætlað "tíma-bundið" þ.e. að það eigi aðeins að vera meðan fjár er aflað til að greiða niður olíuna. Keyntslan sýnir hins vegar að slíkar "tímabundnar" álögur hafa jafnan verið lífseigari en áætlað var. Má þar minna á ýmis konar vöru- og viðlaga-gjöld sem lögð hafa verið á tímabundið en eru enn í gildi.

Skuldbindingar ríkissjóðs

Ríkisstjórnin skuldbatt sig til að greiða niður olíu til fiski-skipa og nú er komið að fjár-öfluninni.

Á sama tíma og ráðherrarnir færa þannig fé úr vösum launþega í vasa útgerðarmanna búa þeir til bráðabirgðalög til að banna verkföll. Það er líka rétt í þessu sambandi að benda á að samfimis berast fréttir um söluaukningu og fyrirhugaða stækkun íslensku verksmiðjanna í Bandaríkjunum.

Allir sammála um grundvallar-atröðin

Sumir hinna svokölluðu verka-lyðsforingja eru sammála ráð-herrunum um nauðsyn þess að láta launþega bera olíuverðs-hækkun útgerðarinnar.

Ög allir eru þeir á einu máli um það að láta þessar álögur verða fyrir utan vísitölu, þ.e. að valda ekki kauphækkunum.

framhald af forsíðu



"Hefurðu komið í kokteilinn þann sem kaninn á vellinum býður?"

Mörgum finns þungur í maganum hann og margan í kverkarnar sviður.

Víetnamablóð í vínið þar er látið vonleysins tár sem fanginn hefur grátið svertingjagall og soramenguð fjöla sötavatn, pepsi og kóla.

Túristahermenn

allar slíkar breytingar skuli bera undir alla stjórnarflokkana. Hefur ákvörðunin mætt andstöðu í bæði Alþýðubandalaginu og Framsóknarflokknum.

Í öllum ríkjum sem hafa her njóta hermenn ekki sömu borg-aralegu réttinda og aðrir þegnar. Þeir eru undir heraga og hafa takmarkað ferðafrelsi og þeir hlýta reglum um hermenn hvort sem þeir eru á vakt eða í fríi.

Þar sem þeir eru í öðrum lönd-um eru reglurnar jafnvel enn strangari.

Með frumhlaupi sínu vegna blaðagreinarnar afhjúpar Bene-dikt Gröndal einungis hegðomleik sinn yfir sínu litla nafni úti í hinum stóra heimi.

Fyrir þá sem segja: "Ha, hvaða her? Ég verð aldrei var við þessi grey.", er það kannski ágætt að víðra greyin dálítið meir

Það er að ýmsu leyti gott að sópa ekki skítinum undir teppið klukkan hálf tölft á hverju kvöldi. Þá fara e. t. v. augu einhverra að opnast fyrir þeim "korkum" sem fljóta á böllum á Suðvestur-landi. Þá fer líka herasetan að verða áþreifanleg og fyrir augum landsmanna því hermennirnir þekkjast og halda áfram að vera hermenn þó þeir leiki túrista.

Megi frumhlaup Benedikts Gröndals heppnast sem best her-stöðvaandstæðingum í hag.

Alþýðubandalaginu bætist liðsauki

Það telst sjaldnast til tíðinda þótt menn séu kosnir í stjórnir eða ráð hjá Alþýðubandalaginu. En nú er sérstakur maður kominn þar inn á gafi og það gerir þessa kosningu merki-legri en ella.

Benedikt nokkur Kristjánsson er þar kominn í varastjórn ásamt vinum sínum Eðvarði Sigurðssyni og Svavari Gest-syni og fleirum.

Fyrir þá sem ekki þekkja til má upplýsa það að þessi maður sem er fyrrum félagi í KFÍ,

var að eigin sögn aðalmaðurinn í framboðstilrauninni í Dags-brún fyrir ári. Og síst skal það lastað að Benedikt vann þar ágætt starf gegn Guðmundi J. og Eðvarði. En hitt má ekki fela fyrir sér að varla er hægt að búast við að Benedikt endurtaki þennan leik gegn stjórnarfélagum sínum og flokksbræðrum í AB.

Stéttabaráttan óskar Benedikt og Alþýðubandalaginu til ham-ingju með upphæfð hvors um sig.

Hækkanir enn!

Verðalgsnefnd hefur samþykkt að leggja til við ríkisstjórnina að leyfa hækkanir á nokkrum vörutegundum.

Þetta kemur heim og saman við það að vísitala kaupgjalds er nýlega reiknuð þannig að launþegar verða að bera þessar hækkanir bótalaust í þrjá mánuði.

Þessar hækkanir eru á smjör-líki (Svavar gerir engar rösir núna gagnvart besta vini sínum, Davíð Scheving, eins og í vet-ur). Auk þess hækkar verð á steypu, mól og sandi og harð-fiski. Þessar hækkanir eru frá 7 og upp í 25%. Að auki hækkuðu landbúnaðarvörur stórlega fyrir skömmu.

Sú hækunarbeiðni sem þó að líkindum stendur mest í ráð-herrunum er beiðni skipafélaga Forráðamenn þeirra heimtuðu 40-50% hækkan en verðlags-nefnd hefur mælt með að hún

verði rúmlega 20%.

Ráðherrarnir vilja sjálfsagt láta líða góðan tíma frá bráða-birgðalögum þar til þessi hækkan verður samþykkt.

Helstu rök forráðamanna skipafélaganna fyrir hækkaninni eru þau að farmgjöld hafi ekki hækkað í tvö ár.

Síðasta stórhækkun farmgjalda var nefnilega fyrir tveimur ár-um þegar Eimskip þurfti að standa straum af kostnaði við farmgjaldastríðið við Bifröst um flutninga fyrir herinn.

Síðasta hækunarbeiðnin að sinni er frá eigendum vínveit-ingahúsa. Þeir vilja fá að-gangseyrinn hækkaðan í 500 krónur, sennilega til að geta staðið straum af "kostnaðinum" sem þeir hafa sagt mundi leiða af því að fá að selja áfengi leng-ur fram eftir nóttu.

framhald af baksíðu

Örlög Vietnam

Þáttur Sovétríkjanna.

Rauðu Khmerarnir fóru sínar eigin leiðir í baráttunni gegn bandarísku heimsvaldasinninum. Þeir reyndu að halda sjálfstæði sínu og voru Sovétstjórninni ekki leiðtámar. Þeir báðu vissulega stuðning en án allra skuldbindinga. Þetta líkaði sovétstjórnir ekki og því kaus hún að styðja heldur Lon Nol en að eiga það á hættu að "röng" frelsisöfl kæm-ust til valda. Sjálfstæð Kampút-sea, óháð sovískum ítökum, var hættulegt fordæmi öðrum þjóðum í grendinni.

Sovétríkin lögðu mikla áherslu á að ná ítökum í Indókína, í Víet-nam urðu harðar deilum um af-stöðuna til Sovétríkjanna. Fjöldi mörg öfl innan Þjóðfrelsisfylk-ingarinnar í S-Víetnam vildu halda sjálfstæði landsins og var-ast ítök Sovétríkjanna. Áhrif sovétmanna voru aftur á móti meiri í N-Víetnam. Til þess að styrkja stöðu sína ráku sovét-menn því mjög á eftir sameiningu ríkjanna. Þeirri sameiningu var

víða fagnað en við hana gerðust einnig aðrir og alvarlegir atburð-ir. Fjöldi fólks sem tekið hafði ötulán þátt í frelsisstríðinu var ýtt til hliðar, því sjónarmið þess féllu ekki að hagsmunum Sovét-ríkjanna. Meðal þeirra sem ekk-ert hefur spurst til er frá Bin sem var utanríkisráðherra Bráða brigða-bytlingarstjórnarinnar í S-Víetnam og sem stjórnaði friðar-viðræðunum í París fyrir hennar hönd.

Sovétríkin hafa nú víetnamstjórn alveg í vasanum. Nýlega var undirritaður hernaðarsamningur milli ríkjanna og Víetnam er aðil- að Comecon, efnahagsbandalagi A-Evrópuríkja, sem er til að tryggja tak Sovétríkjanna á öðrum bandalagsríkjum.

Og fólkið þjáist.

Víetnam er gífurlega illa leik-ið eftir áratuga stríði við öflug herveldi. Skógar voru brunna, áveitur eyðilagðar og akrar eit-r aðir. Mikið og erfitt uppbygging-arstarf var fyrir höndum. En í

stað þess að snúa sér að því, sinnti Víetnamstjórn útpenslu-hagsmunum Sovétríkjanna. Af-leiðingarnar eru hinar skelfi-legustu. Hungursneyð ríkir í landinu og hundruð þúsunda fólks eru hraktar úr landi.

Fjöldi flóttafólks fer úr landi á lélegum bátum og stór hluti þess nær aldrei landi á ný. Stjórnir sumra nágrannaríkja hóta að skjóta fólkið í flæðar-málinu og vonlausar bytturarnar eru dregnar aftur út á sjó. Þeir sem við illan leik komast í flóttamannabúðir búa þar við þröngan kost og er sagt að verið sé að lappa upp á báthrófið þeirra svo hægt sé að hrekja það aftur á haf út. Í þessum hóp er fólki á öllum aldri frá ung-börnum til gamalmenna.

Á meðan þetta gerist telja víetnömsk stjórnvöld sig hafa efni á stríðsrekstri í öðrum ríkjum.

Þeir sem þjóna alþýðunni í eigin landi njóta einnig stuðnings alþýðunnar um allan heim, en um leið og þeir snúa baki við þeim málstað missa þeir allan stuðning.

Slík eru örlög Víetnams.

Áskriftargjöld 1979

VENJULEG ÁSKRIFT : KR. 5000. -

BAKÁTTU ÁSKRIFT : KR. 7000. -

TIL ÚTLANDA : KR. 13000. -

TIL ÖRYKKJA OG ELLILÍFEYKISPEGA : KR. 500. -



Öreigar og kúgaðar þjóðir heims sameinist!
Stéttabaráttan
Útg: Kommúnistaflokkur Íslands m-l.
25. - 26. tbl. 8. árg. 3.7. 1979



STÉTTABARÁTTAN
- kemur út vikulega -
Sími: 27810.
Gíró: 27810-6.

Ábyrgðarm: Sigurður
Ingi Andrésson.

Útpensla Íslenskra Aðalverkataka

Allir vita að alls kyns spilling blómstrar á Suðurnesjum, vegna veru bandarísku herstöðvarinnar á Miðnesheiði. Mest er þó í daglegu tali fjargviðrast út af minniháttar svínarífi en minna tekið til athugunar það sem meira er. Hér er átt við starfsemi Íslenskra fyrirtækja á vellinum og viðskipti þeirra við bandaríska auðvaldið. Eitt þessara fyrirtækja eru Íslenskir aðalverktakar. Það á að heita 25% eign Íslenska ríkisins, 25% á hlutafélagið Reginn og 50% eiga Sameinaðir verktakar. Sjálfstæðismenn og framsóknarmenn bræddu sig saman og mynduðu þetta einokunarfyrirtæki.

Nýlega var felld á Alþingi til-laga um að gerð yrði ýtarleg úttekt á starfsemi verktakafyrirtækja á Keflavíkurflugvelli. Einokunarfyrirtæki virðast vera friðhelg á Íslandi, þau má hvorki rannsaka né kanna.

Í stað rannsókna á starfsemi Aðalverktakanna var sett á stofn nefnd sem í eiga sæti fjórir fulltrúar frá Íslenskum aðalverktökum, Keflavíkurverktökum, Suðurnesjaverktökum og Verktakasambandi Íslands. Oddamaður nefndarinnar er Helgi Ágústsson deildarstjóri í Varnarmáladeild utanríkisráðuneytisins. Einar Ágústsson kom á fót þessari nefnd í ráðherrafloð sinni og er meginverkefni hennar að reyna að skipta bróðurlegar hermangsgroðanum milli verktakafyrirtækjanna.

Aðalverktakar hafa notið einokunar og sérstöðu í viðskiptum við herinn frá árinu 1954. Í ár og sl. ár sinna Aðalverktakar verkefnum fyrir bandaríska her-

inn upp á 5-6,5 milljarða króna. Fyrirtækið er baktreytt af samningum við bandaríkjamenn fyrir greiðslum á hvers kyns föstum rekstrarkostnaði, jafnvel þó verkefni séu ekki fyrir hendi. Það getur ekki orðið gjaldþrota. Auk þess stendur til af hálfu Bandaríkjanna, á næsta fjárhagsári þeirra, að fjórfalda fjárveitingu til einungis nýrra framkvæmda á Keflavíkurflugvelli. Það munu vera 8 milljarðar króna sem varið yrði aðeins til útpenslu á Íslandi.

Aðalverktakar hafa fram að þessu notið tollfrelsis á innflutningi á vinnuvélum auk annarrar sérstöðu sinnar. Þeir eru jafnvel tilbúnir í að blæða greiðslum fyrir eðlilegum tollkostnaði, komist þeir hjá rannsókn eða öðrum höftum á starfsemi sína.

Útpensla Aðalverktakanna í krafti erlends fjármagns er ógnun við sjálfstæði landsins, rétt eins og erlend stóriðja eða afskipti Alþjóðagjaldeyrissjóðsins er það.

Ráðamenn hermangsfyrirtækjanna segja að herstöðin skapi atvinnu og góða lífsafkomu þegar hún hefur gegnum árin lamað allt heilbriggt atvinnulíf á Suðurnesjum. Sömu menn og hampa heratvinnunni tala einnig um kosti þess að gera Reykjanes-skagann að tollfrjálsu svæði.

Þeir grátviðja um innstreymi erlends fjármagns með öllum þeim hörmungum og nýlenduþjálfan sem því fylgir. Útpensla Íslenskra aðalverktaka og annarra slíkra fyrirtækja á Íslandi þýðir aukin ítök bandarískrar heimsvaldastefnu hér.



Í baráttu sinni eiga herstöðvaandstæðingar við rammanreip að draga þar sem eitt sterkasta verktakafyrirtæki á landinu fjármagnar áróður fyrir hersetunni.

Askript

Ég undirritaður óska eftir að gerast

askrifandi að STÉTTABARÁTTUNNI.

Nafn: _____

Heimili: _____

Sendist til: STÉTTABARÁTTAN
Pósthólf 1357
121 Reykjavík



Hundraðir þúsunda manns hafa flúið land frá Víetnam. Margir þeirra flýja á skipum sem sum hver ná aldrei landi og aðrir búa í flóttamannabúðum alls óvissir um framtíð

sína. Íslenska ríkisstjórnin hefur boðist til að veita 5-6 fjölskyldum hæli hér á landi. Eins og sjá má á þessari mynd er framlag Íslendinga síst of stórt.

Flóttafólk frá Víetnam

Mjög hefur verið rætt um væntanlega komu víetnamskra flóttamanna hingað til lands. Beiðni barst til Íslendinga um að taka við um 50 flóttamönnum og nú hefur ríkisstjórnin ákveðið að veita 5-6 fjölskyldum hæli hér á landi. Mun þegar vera hafinn undirbúningur þess að finna þeim atvinnu og húsnæði.

Deilur risu þegar um réttmæti þess að veita þessu fólki viðtöku. Allra handa fasistar geystust fram á ritvöllinn og mótmæltu þessari ógnun við íslenska kynstofninn. Stjórnendur "léttmetis" þáttar í útvarpinu spurðu vegfar- endur sakleysislega hvort þeir óttuðust ekki blóðblöndun. Rétt

eins og víetnamar skiptist ekki í hina sömu A, B og O blóðflokka og Íslendingar. Eina fólkið með afbrigðilegt blóð eru nokkrir þingeyingar sem hafa flöng rauðublóð korn í stað kringlótttra eins og allt annað fólk! Svo mættu þessir "hreinræktuðu" Íslendingar minnst þess að víetnamska þjóðin á sér lengri sögu og menningu en sú íslenska og að ekki er íslenska þjóðin eingetin af sjálfri sér.

Félagsleg vandamál þess víetnamska fólks sem kemur hingað til lands munu eflaust verða margvísleg. Það kemur frá heimshlut með gerólíkri menningu, tungu, loftslagi, atvinnuháttum og mataræði. Það er því mikilvægt að ís-

lendingar taki ekki á móti þessu fólki af sýndarmennsku heldur með það í huga að búa því betra lífi.

Orsök flóttamannavandamálsins er pólitísks eðlis og meðan ekki hefur fundist á henni pólitísk lausn verður flóttamannastraumurinn nær ótæmandi. Það er því ekki varanleg lausn að flytja fólkið til annara landa. Lausnin liggur í pólitískum aðgerðum. Samt er fyllilega rétt að veita því fólki viðtöku og aðstoð sem neyðist til þess að flýja land. Óskandi er flóttamannanna sjálfra vegna að ástandið breytist svo til batnaðar að þeir geti snúið heim aftur ef þeir vilja.

Örlög Víetnam

Eftir sigur sinn yfir banda-ríska heimsvaldasinnunum átti víetnamska þjóðin stuðning þjóða um allan heim. Fjöldi ríkja veitti Víetnam efnahagsaðstoð til uppbyggingar landsins og Bandaríkin neyddust til að fallast á stríðsskaðbætur. Hvarvetna var krafist aukinnar aðstoðar við Víetnam og alþýðan fylgdi því fast eftir að loforð um aðstoð væru efnd.

Nú horfir málið allt öðruvísi við. Hvert ríkið á fætur öðru kippir að sér hendinni og alþýða landanna samþykkir. Svíar sögðu að ríki sem hefði efni á að standa í stríðsrekstri innan annars ríkis þyrfti ekki á efnahagsaðstoð að halda. Bandaríkjastjórn greip tækifærið til að sleppa við stríðsskaðbæturnar með sömu röksemdafærslu. Fjöldi ríkja og alþjóðasamtaka hafa gert slíkt hið sama. Nú

síðast ákvað Evrópuráðið að hætta við 34 milljarða dollara styrk til Víetnam, en ákavð að veita það þess í stað flóttamanna-hjálp Sameinuðu þjóðanna til aðstoðar við flóttafólk frá Víetnan

Innrásin í Kampútseu.

En eru ekki notaðar falskar röksemdir til að sleppa við greiðslurnar? Þurftu víetnamar ekki að verja hendur sínar með því að ráðast inn í Kampútseu og mynda þar leppstjórn? Var stjórn Pol Pots ekki alltaf að herja á landamæri Víetnams? Þessum spurningum verður öllum að svara neitandi.

Ef stjórn Pol Pots hefði verið jafn árásgjörn og af er látið hefði ekki verið kostnaðarsamara fyrir víetnama að verja

landamæri sín en að ráðast inn í Kampútseu. Og þótt þeir hefðu þurft að hrekja árásarliðið yfir landamærin var ástæðulaust að hernema landið. Með því móti hefðu víetnamar líka haldið fullum stuðningi þjóða heimsins og aðstoð við uppbyggingu lands síns.

Og ef stjórn Pol Pots var jafn ógnvænleg og áróðurinn hermír, af hverju þarf þá víetnamski herinn enn að vera í Kampútseu? Kampútseumönnum tókst að fella bandaríkjaleppinn Lon Nol sem einnig var studdur af Sovétríkjunum. Þeir þurfa því ekki víetnamska hersetu til að losa sig við innlenda harðstjóra. Enda hefur það sýnt sig að "harðstjórinn" Pol Pot er ekki hataðari en svo að 150.000 manna víetnamskt herlið dugir varla til að halda nýju valdhöfunum í stólunum.

framhald á síðu 7